

KUGLAŠKI SAVEZ BiH
S A R A J E V O

P R A V I L N I K
O NAKNADAMA ZA PRELAZAK IGRAČA

Sarajevo 25.04.2004. godine

Na osnovu člana 16. Statuta Kuglaškog saveza Bosne i Hercegovine i

člana 28. Pravilnika o registraciji KS BiH, Skupština Kuglaškog saveza Bosne i Hercegovine na sjednici održanoj 25.04.2004. godine donijela je:

P R A V I L N I K O NAKNADAMA ZA PRELAZAK IGRAČA

I. OPŠE ODREDBE

član 1.

Pravilnikom o naknadama za prelazak igrača Kuglaškog saveza Bosne i Hercegovine (udaljem tekstu: Pravilnik) propisuje se osnovni princip i način utvrđivanja visine naknade za prelazak igrača/ice (udaljen tekstu: igrač) iz kluba u klub, kao i njihov odlazak u inostrani klub.

član 2.

Prava i obaveze iz člana 1. Pravilnika regulšu se na osnovu sledećih načela:

1. Igrač svojom voljom bira klub u kojem će igrati,
2. Odnosi klub – igrač utvrđuju se i regulišu ugovorom,
3. Klub iz kojeg igrač odlazi ima pravo na materijalno obeštećenje,
4. Kuglaški savez Bosne i Hercegovine (udaljem tekstu KS BiH) ima pravo na dio materijalne odštete u koliko igrač odlazi u inostrani klub.

član 3.

Pravilnikom nisu obuhvaćeni treneri, sudci i funkcioneri u kuglaškom sportu.

II. UGOVORI KLUB – IGRAČ

član 4.

Sva prava i obaveze kluba i igrača utvrđuju se na osnovu članstva u klubu, a za igrače seniorske konkurencije utvrđuje se posebnim ugovorom.

Ugovor klub – igrač dostavlja se kancelariji matičnog Saveza na ovjeru. Jedan primjerak ostaje u arhivi matičnog Saveza, jedan se dostavlja Kancelariji KS BiH, a po jedan klubu i igraču.

Ugovor nije važeći u koliko ga nije ovjerio nadležni organ KS BiH.

član 5.

Ugovor u pravilu sadrži: Vrijeme trajanja ugovora, pravo prelaska u drugi klub, naknada igračima zavisno od njihove kategorizacije i odluke nadležnih organa i tijela, ugovorni raskid međusobnih odnosa, obaveze igrača u ispunjavanju sportskih i društvenih obaveza u klubu, pravo kluba na naknadu prilikom prelaska igrača i slično.

član 6.

Ugovor se zaključuje najmanje na period od jedne godine, a maksimalno na četiri godine, ovisno dogovoru strana, izuzev u slučaju rješavanja stambenih pitanja igrača ili drugih nekretnina.

U rok ugovora se ne računa:

- vremenski period proveden na služenju vojnog roka,
- vremenski period pod disciplinskom kaznom-suspenzijom koju je potvrdilo nadležno Kuglaško tijelo.

član 7.

Uz obostranu saglasnost ugovor se može raskinuti i prije isteka vremena za koje je zaključen. Uz obostranu saglasnost klub se može odreći prava za naknadu prilikom prelaska igrača u drugi klub.

član 8.

Sporazum o raskidu ugovora, kao i odricanje prava naknade, obavezno se dostavlja Komesaru za registraciju (udaljem tekstu Komesaru).

član 9.

Klub iz kojeg igrač odlazi dužan je uz ispisnicu dostaviti Komesaru za registraciju do tada važeći ugovor između kluba i igrača, kao i obračun tražene naknade po kriterijima Pravilnika, u koliko se traži.

član 10.

Sa igračima mlađim od 18 godina, mogu se sklapati ugovori o stipendiranju – sportskom usavršavanju sa rokom koji ističe po završetku takmičarske sezone u kojoj igrač navršava 18 godina života. Takav ugovor obavezno potpisuje igračev roditelj – staratelj.

član 11.

Prvi ugovor kao senior igrač - junior može zaključiti sa klubom u kome stiče to pravo po završetku takmičarske sezone u kojoj igrač navršava 18

godina života, u koliko igrač - junior se sa tim složi.

član 12.

Igrač - junior koji ne želi potpisati ugovor i odlazi u inostranstvo ne zbog kuglanja, već zbog školovanja, posla itd., dužan je po povratku potpisati ugovor sa klubom iz kojeg je otišao u inostranstvo.

član 13.

U koliko igrač ili klub ne izvrše obaveze utvrđene ugovorom, isti mogu zatražiti raskid ugovora.

Zahtjev za raskid ugovora se podnosi Komesaru za registraciju, naj kasnije 15 dana prije početka prelaznog roka, koji je dužan donijeti odluku u roku od 8 dana.

član 14.

Žalba na odluku Komesara za registraciju podnosi se Predsjedništvu KS BiH, u roku od 3 dana po prijemu odluke, koje je dužno donijeti odluku na narednoj sjednici.

Odluka drugostepenog organa KS BiH je konačna i pravosnažna.

Vanredan Pravni lijek na odluku drugostepenog organa može se podnijeti Skupštini KS BiH, odnosno Sportskoj arbitraži, koja konačnu odluku donosi u roku od 30 (trideset) dana.

III UTVRĐIVANJE I PLAĆANJE NAKNADE

član 15.

Odšteta predstavlja naknadu za uložena sredstva u razvoj i afirmaciju igrača.

član 16.

Klub u koji igrač prelazi dužan je u svakom slučaju isplatiti naknadu kao materijalnu odštetu klubu iz kojeg igrač dolazi, ukoliko se klubovi drugačije ne dogovore.

Ukoliko u ugovoru igrač - klub postoji ugovoreni iznos odštete, istu isplaćuje igrač ili klub u koji igrač prelazi.

član 17.

Klubovi se mogu međusobno dogovoriti o visini odštete.

član 18.

Klub iz kojeg igrač odlazi može se odreći odštete, ali samo na svoju štetu, dok se ne može odreći naknade nadležnom Kuglaškom savezu u koliko igrač odlazi u inostrani klub.

KS BiH sredstva dobijena iz oštete po stavu 1. ovog člana može koristiti isključivo za realizaciju međunarodnog programa.

član 19.

U koliko klub u koji igrač dolazi i klub iz kojeg igrač odlazi postignu sporazum o visini naknade isti se dostavlja Komesaru za registraciju uz ostalu dokumentaciju za registraciju.

Klub u koji igrač odlazi dužan je platiti naknadu u roku od 15 dana od dana registracije, u koliko međusobnim sporazumom nije drugačije regulisano.

član 20.

U koliko se klubovi ne dogovore visinu odštete utvrđuje Komesar na osnovu kriterija iz Pravilnika.

Komesar je dužan da utvrdi visinu naknade prilikom vršenja registracije igrača, odnosno naj kasnije 15 dana po isteku prelaznog roka, odnosno dana registracije igrača.

Klub u koji igrač odlazi dužan je odluku Komesara za registraciju o plaćanju naknade izvršiti u roku od 15 dana, ili uložiti prigovor nadležnom organu Kuglaškog saveza u roku od 8 dana.

Takav prigovor može uputiti i klub iz kojeg igrač odlazi i sam igrač.

član 21.

Predsjedništvo KS BiH dužno je donijeti odluku na narednoj sjednici koja je konačna i pravosnažna.

Klubovi su dužni odluku odluku nadležnog organa KS BiH provesti u roku od 8 dana.

član 22.

Na odluku nadležnog organa KS BiH može se podnijeti zahtjev za zaštitu zakonitosti Skupštini KS BiH, odnosno Sportskoj arbitraži, što ne odlaže izvršenje odluke iz člana 21. Pravilnika.

Skupština KS BiH, odnosno Sportska arbitraža je dužna donijeti ocjenu zakonitosti na prvoj sjednici, odnosno odluku u roku od 30 (trideset) dana.

član 23.

U koliko klub ne postupi po odluci Komesara, odnosno nadležnog organa KS BiH, igrač koji je prešao u novi klub nema pravo nastupa, dok navedena odluke ne izvrši.

Igrač se može vratiti u matični klub, ako se ne plati naknada, sa pravom nastupa za 30 (trideset) dana.

član 24.

Ako igrač nastupi za novi klub, koji nije izmirio utvrđenu naknadu njegov rezultat se neće uzeti u obzir. Tom klubu se mogu oduzeti i dodatni bodovi, suglasno aktima i propozicijama za tu vrstu natjecanja.

Protiv tog kluba i igrača se pokreće disciplinski postupak saglasno odredbama Disciplinskog pravilnika KS BiH.

član 25.

Troškove u radu organa KS BiH u drugostepenom postupku snosi stranka koja izgubi spor, osim u slučaju kada se odobri prelazak igrača bez naknade, kada troškove snosi novi klub ili kada žalbu uputi sam igrač.

IV. KRITERIJI

član 26.

Osnovica za vrijednost naknade utvrđuje se godišnje i plaća se za jednu godinu:

- za igrača koji je aktuelni reprezentativac, odnosno koji je nastupio na poslednje Svjetskom prvenstvu 1.000,00 KM,
- za ostale igrače 500,00 KM.

U koliko se igrač vraća u matični klub prije isteka roka od dvije godine može se vratiti u matični klub bez ikakve naknade u koliko za njega matični klub nije dobio nikakvu naknadu.

član 27.

Vremenski period obračuna za naknadu ne može biti duži od maksimalne dužine trajanja ugovora (četiri godine). U visinu naknade ne ulaze sredstva za osiguranje stambenog fonda igrača i kupovine drugih

nekretnina (poslovni prostor i sl.)

član 28.

Naknada po ovom Pravilniku umanjuje se za 50% za igrača kojem je istekao ugovor, odnosno za igrača koji je slobodan.

Ako je slobodan igrač igrao po isteku ugovora jednu godinu za matični klub bez ugovora, tada u novi klub može preći bez naknade.

Ako igrač prelazi u drugi klub tokom takmičarske sezone, a nema ugovor sa matičnim klubom, matični klub ima pravo na naknadu u visini utvrđenoj u članu 26. alineja 1. ovog Pravilnika.

član 29

Naknada po ovom Pravilniku uvećava se za 30% za omladinske kategorije igrača, kao i za kadete, bez obzira da li postoji ugovor o stipendiranju ili ne.

član 30.

Naknada po ovom Pravilniku uvećava se za 50% za one igrače koji imaju potpisan ugovor sa klubom, čije važenje nije proteklo, a imaju saglasnost kluba za prelazak u drugi klub, ako sporazum između klubova nije drugačije regulisao

član 31.

Ako igrač iz jednog kluba prelazi u drugi klub bez naknade, a potom pređe u treći klub u roku od 2 godine sa naknadom, matični klub ima pravo na visinu naknade od 50% od utvrđene visine naknade od drugog kluba.

V. ODLAZAK IGRAČA U INOSTRANSTVO

član 32.

Igrač može preći u inostrani klub u utvrđenom prelaznom roku uz saglasnost nadležnog organa KSBiH pod uslovom da je istekao rok trajanja ugovora klub – igrač, ili su ga klub i igrač međusobno sporazumno raskinuli, s tim da su u oba slučaja prestanka važnosti ugovora, izmirene međusobne obaveze.

član 33.

Kriteriji pri odlučivanju o davanju saglasnosti za prelazak igrača u inostrani klub utvrđuje se polazeći prije svega od interesa razvoja vrhunskog sporta u BiH, interesa državne reprezentacije, kluba i samog

igrača kao i osiguranja naknade za sredstva uložena u razvoj igrača.

član 34.

Kriteriji i visina naknade za prelazak igrača iz ovog Pravilnika i za prelazak u inostrani klub, stim da se uvećava za 200% za igrača državne reprezentacije, a za ostale igrače 100%. Od ove utvrđene naknade, iznos od 10% pripada Kuglaškom savezu BiH.

član 35.

Obračun naknade u visini od 10% se treba uplatiti na račun Kuglaškog saveza po osnovu obračuna iz Pravilnika bez obzira da li igrač sporazumno sa matičnim klubom bez naknade ide u inostranstvo. Klubovi u kojima je igrač nastupao, a nisu dobili naknadu za prelazak igrača iz kluba u klub, dijele dobivenu naknadu, shodno odredbama Pravilnika.

Klub iz kojeg igrač odlazi u inostrani klub dužan je da osigura realizaciju uplate odštete koja pripada Kuglaškom savezu BiH.

član 36.

Na odluku nadležnog tijela iz člana 32. Pravilnika može se uložiti prigovor Sportskoj arbitraži KS BiH u roku od 8 dana.

Odluka Sportske arbitraže je konačna.

član 37.

U odluci za odobrenje igranja u inostranstvu mora stajati odredba da je igrač dužan da u ugovoru sa inostranim klubom unese odredbu da je obavezan, da na poziv selektora, bezuvjetno dolazi na pripreme i igranje za reprezentaciju BiH.

član 38.

Povratak igrača iz inostranog kluba, kao i ponovna registracija za klub regulše se sporazumom, s tim da igrač stiče pravo nastupa prema odredbama Pravilnika o registraciji KS BiH.

VI. PRAVA I OBAVEZE ZA PRELAZAK U INOSTRANI KLUB

član 39.

Igrač može preći u inostrani klub:

1. u utvrđenom prelaznom roku,
2. pod uslovom da mu je istekao rok trajanja ugovora sa klubom ili da su klub i igrač sporazumno raskinuli ugovor,
3. pod uslovom da je plaćeno materijalno obeštećenj klubu(ovima) i Kuglaškom savezu BiH.
4. pod uslovom da je napunio 18 godina starosti.

član 40.

U koliko se klubovi ne sporazume o visini odštete, ista se određuje najmanje u iznosima prema odredbama ovog Pravilnika.

član 41.

Sve međusobne obaveze moraju se regulisati u roku od 15 (petnaest) dana od izdavanja saglasnosti za odlazak u inostrani klub.

U koliko se prelazak igrača u inostrani klub ne izvrši pod uslovima utvrđenim i ovim Pravilnikom, nova registracija igrača za taj klub nije važeća, o čemu se odmah obavještavaju nadležni organi NBC.

VII. PRELAZNE I ZAVRŠNE ODREDBE

član 42.

Sva tumačenja i primjenu Pravilnika daje Komesar u prvostepenom postupku, a nadležni organ KS BiH u drugostepenom postupku, s tim da je Predsjedništvo KS BiH ovlašteno za tumačenja za državna prvenstva i međunarodne odnose.

Ugovori klub-igrač/ica koji su potpisani po ranijim aktima važe do ljetnog prelaznog roka 2005 godine

član 43.

Izmjene i dopune Pravilnika vrše se po postupku koji važi i za njegovo donošenje.

član 45.

Ovaj Pravilnik je donesen na Skupštini KSBiH održanoj 25.04.2004. godine i stupa na snagu 8 (osam) dana od dana usvajanja.

P r e d s j e d n i k

Skup tine KS BiH

Broj: 67-1-7-04/04
Sarajevo, 25.04.2004 godine